



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

LXV. De executione Alternativæ in Provincia Januen. Min. de Observ.  
Reform.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)



ternitas Christifidelium utriusque sexus sub eadem denominatione Doctrinae Christianae de Ordinariorum locorum respective licentia erigi, ac ipsius Confraternitatis sic erectae Confratribus, & Confororibus pro tempore existentibus, quod omnibus, & singulis Indulgentiis, ac peccatorum remissionibus a rec. me. Paulo PP. V. pateriter praedecessore Nostro Archiconfraternitati ipsius Doctrinae Christianae de Urbe concessis, uti, frui, potiri, & gaudere, libere, & licite respective possent, & valerent, sub certis modo, & forma tunc expressis auctoritate Apostolica concessit, & indulgit, ac alias prout in praefatis Innocentii praedecessoris Literis, quarum tenorem praesentibus pro plene, & sufficienter expresso, ac de verbo ad verbum inferro haberi volumus, uberius dicitur contineri.

Causa Extensionis.

§. 1. Cum autem, sicut eadem expositio subiungebat, saluberrima eiusmodi Confraternitatum Institutio, qua Christianus Populus ad Sacram Catechesim pro Catholicae fidei rudimentis addiscendis evocatur in iis locis, seu Parochiis, in quibus Christifideles, utpote rudiores majori indigent instructione suum fortiri nequeat effectum eo quia nimirum in illis Congregatio praedicta Domo non habet. Nobis propterea dicitur Josephus Procurator Generalis humiliter supplicari fecit, ut in praemissis opportune providere, & ut infra indulgere de benignitate Apostolica dignaremur.

Preces Procuratoris Gen.

§. 2. Nos igitur piis ejusdem Josephi Procuratoris Generalis Votis hac in re quantum cum Domino possumus favorabiliter annuere volentes, eumque a quibusvis Excommunicationis, Suspensionis, & Interdicti, aliisque Ecclesiasticis Sententiis, Censuris, & poenis a jure, vel ab homine quavis occasione, vel causa latis, si quibus quomodolibet innodatus existit ad effectum praesentium dumtaxat consequendum harum serie absolventes, & absolutum fore censentes, hujusmodi supplicationibus inclinati, de Venerabilium Fratrum nostrorum S. R. E. Cardinalium Concilii Tridentini Interpretum consilio, & attenta relatione Ven. Fratris Archiepiscopi Avenionensis, super praemissis ad eisdem Cardinales transmissa, Indultum a memorato Innocentio praedecessore, ut praefertur, concessum, etiam ad alia Galliae loca, in quibus dicta Congregatio, tametsi Domo inibi non habeat, Missiones tamen ex speciali fundatione, seu dotatione de praesenti exercet, ac servata in reliquis praedictarum Innocentii praedecessoris Literarum forma, & dispositione, eadem auctoritate tenore praesentium extendimus, & ampliamus.

Extensio dictae Constitutionis ad loca, ubi Congregatio Missiones exercet.

Clausulae.

§. 3. Decernentes ipsas praesentes Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari. Sicque in praemissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus praemissis, ac Nostra, & Cancellariae Apostolicae Regula de non concedendis Indulgentiis adinstar, aliisque Constitutionibus, & Ordinationibus Apostolicis, necnon omnibus, & singulis illis, quae in supradictis Innocentii praedecessoris Literis concessa sunt non obstare, caeterisque contrariis quibuscumque.

§. 5. Volumus autem, ut ipsarum praesentium Literarum transumptis, seu exemplis etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides tam in Judicio, quam extra illud ubique loco-

rum habeatur, quae ipsis praesentibus haberetur, si forent exhibitae, vel ostensa.

Datum Romae apud S. Mariam Majorem sub Annulo Piscatorum die XVII. Octob. MDCXCV. Pontificatus Nostri Anno Quinto.

Confirmatur Constitutio Inn. XI. qua confirmatur Decretum Card. Protectoris circa executionem alternativam in Provincia Januensis, FF. Minorum de Observ. Reformatorum.

LXV.

*Hec Inn. XI. Const. ed. fuit an. 1687. Jun. 12. P. 1. & hic refertur. Hujus Pontificis Const. ed. 1692. Maji 17. P. 1. agitur de alternativa in Provincia S. Nicolai. Et Const. ed. 1698. Oct. 7. P. 8. de alternativa in Prov. Januensis.*

INNOCENTIUS PAPA XII.

Ad futuram rei memoriam.

Dat. 7. Jasi. 1696. An. 5.

EX commissi Nobis divinitus Pastoralis Officii debito illa, quae a Romanis Pontificibus praedecessoribus nostris pro felici Christifidelium Divinis obsequiis sub suavi Religionis jugo mancipatorum statu conservando, illorumque tranquillitate firmiter stabilienda pie, provideque emanasse noscuntur, ut solidiori robore perennent Apostolici muniminis nostri praesidio, cum id a Nobis petitur, libenter constabilimus.

Exordium.

§. 1. Alias siquidem pro religiosa quiete Provinciae Januensis Ordinis Minorum S. Francisci de Observantia Reformatorum nuncupatorum ad supplicationem tunc existentis Ministri Provincialis Provinciae hujusmodi emanarunt a fel. rec. Innocentio PP. XI. praedecessore nostro Literae in simili forma Brevis tenoris, qui sequitur videlicet; **INNOCENTIUS PP. XI. Ad futuram rei memoriam.** Exponi nobis nuper fecit dilectus filius Antonius Maria a Finario Minister Provincialis Provinciae Januensis Ordinis Fratrum Minorum S. Francisci de Observantia Reformatorum nuncupatorum, quod Venerabilis Frater noster Alderanus Episcopus Portuensis, & S. R. E. Cardinalis Cybo nuncupat. Religiosae tranquillitati Fratrum dictae Provinciae consultum esse cupiens Alternativam circa electionem ad Provincialatum, caeteraque Diffinitorii Provinciae hujusmodi Officia in tres partes sive Districtus, quibus Provincia ipsa constat dudum in Capitulo Provinciali ejusdem Provinciae, ac per quasdam fel. rec. Urbani Papae VIII. praedecessoris nostri simili in forma Brevis Literas stabilitam, & ordinatam servari, nec quidquam in contrarium innovari, aut attentari sub diversis poenis praecipit, & mandavit per suum Decretum de super emanatum, tenoris, qui sequitur videlicet: Alderanus Episcopus S. Romanae Ecclesiae Cardinalis Cybo Seraphici Ordinis S. Francisci apud Sanctam Sedem Protector, dilectis Nobis in Christo Fratribus modernis, & pro tempore existentibus Ministro Provinciali, Custodi, & Diffinitoribus, caeterisque omnibus Religiosis Reformatae Provinciae Januensis, Salutem &c. Cum alias in Capitulo Provinciali istius Reformatae Provinciae Januensis de consensu vocalium, qui eidem Capitulo tunc interfuerant decretum fuerit, quod in posterum ad conservandam ejusdem Provinciae pacem, & tranquillitatem, ex tribus, quibus ipsa Provincia componitur Districtibus, qui sunt Civitas Januensis, Liguria Orientalis, & Liguria Occidentalis, assumi deberet alternativim Minister Provincialis, itaut uno triennio esset ex uno, altero triennio ex altero dictorum Districtuum, & Decretum hujusmodi fuerit a san. me. Urbano VIII. per suas Literas Apostolicas in forma Brevis datas sub die 29. Martii 1641.

Constitutio Inn. XI.

Decretum Card. Protectoris pro executione alternativae inter tres partes a Capitulo Provinciali, & Urbano VIII. constitutae.



approbatum, & confirmatum cum ulteriori etiam dispositione quod nempe Officinam Custodiatum non caderet in eam partem, seu Districtum, in quo actu esset Minister Provincialis, & quod unicuique dictarum partium, seu Districtuum duo vota in Diffinitorio pariter alternatim assignarentur, prout in ipsis Literis Apostolicis latius continetur; Nos qui ex Decreti, & Brevis prædictorum observantia, optatam pacem, & tranquillitatem hæcenus Provinciam consecutam fuisse, & tandiu consecuturam quamdiu eadem observantia firma, & illæsa persistat, certiores sumus, & cupientes quantum ex Nobis est, eam in suo robore manutenere, & conservare, auctoritate qua fungimur Protectoris vobis omnibus, & singulis in virtute S. Obedientiæ districtè præcipimus, & mandamus, ne sub quovis prætextu, aut quæsito colore, directe, vel indirecte contra Decreti Capituli Provincialis, & Brevis Apostolici prædicti dispositionem, & tenorem, aliquid innovare, aut attentare præsumatis, non solum sub pœna nullitatis omnium actorum, sed insuper sub pœnis contra inobedientes, contumaces, & rebelles in Statutis Ordinis præscriptis, aliisque arbitrio nostro, & pro tempore existentis Protectoris infligendis, ad quas in casu contraventionis inviolabiliter procedemus. Non obstantibus &c. Romæ 24. Maji 1687. A. Cardinalis Cybo Protector. Cum autem sicut eadem expositio subjungebat dictus Antonius Maria Minister Provincialis Decretum hujusmodi, quo firmius subsistat, & servetur exactius Apostolicæ confirmationis nostræ robore communiri plurimum desideret, Nos ipsius Antonii Mariæ Ministri Provincialis votis hac in re quantum cum Domino possumus, favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis Sententiis, Censuris, & pœnis a Jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, ac supradictarum Urbani prædecessoris Literarum tenorem præsentibus pro plene, & sufficienter expressis, & inserto habentes, Decretum præinsertum a memorato Alderano Episcopo Cardinale, & Protectore editum, ut præfertur, cum omnibus, & singulis in eo contentis, & expressis auctoritate Apostolica tenore præsentium approbamus, & confirmamus, illisque inviolabilis Apostolicæ firmitatis robur adjicimus, ac omnes, & singulos Juris, & facti defectus, si qui desuper quomodolibet intervenerint supplemus.

Confirmatum fuit re-  
latum De-  
cretum.

Clausula.

§. 2. Decernentes eadem præsentibus Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit Provinciæ, & Ordinis præfatorum, etiam juramento, confirmatione Apostolica, vel quavis firmitate alia roboratis, statutis, & consuetudinibus, Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis,

ac ad verbum insertis habentes, illis alias in suo robore permaneris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque. Datum Romæ apud S. Mariam Majorem sub Annulo Piscatoris die 12. Junii 1687. Pontificatus Nostri Anno Undecimo.

§. 4. Cum autem sicut dilectus filius modernus Minister Provincialis Provinciæ supradictæ Nobis nuper exponi fecit, ipse præmissa, quo firmius subsistat, & inviolabilis serventur, Apostolicæ confirmationis nostræ robore communiri summopere desideret: Nos specialem ipsi moderno Ministro Provinciali gratiam facere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, præinsertas Innocentii prædecessoris Literas, omniaque, & singula in eis contenta, auctoritate Apostolica tenore præsentium approbamus, & confirmamus, illique inviolabilis & irrefragabilis Apostolicæ firmitatis robur, & efficaciam adjungimus, ipsasque Literas ab illis ad quos spectat, & pro tempore quodcumque spectabit, inconcussa observari præcipimus, & mandamus.

Preces Mini-  
stri Provin-  
cialis.

Confirmatio  
relata Con-  
stitutionis.

Clausula.

§. 5. Decernentes pariter ipsas præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit, in omnibus, & per omnia plenissime suffragari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate, scienter, vel ignoranter, contigerit attentari.

§. 6. Non obstantibus Constitutionibus, & Ordinationibus Apostolicis, necnon omnibus, & singulis illis, quæ in præinsertis Innocentii prædecessoris literis concessa sunt non obstare, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die VII. Januarii MDCXCVI. Pontif. nostri Anno Quinto.

Confirmantur Decreta Generalis Fratrum Minorum Sancti Francisci Conventualium, & aliud Card. Protectoris pro Provincia Argentina.

XLVI.

*Infra suis locis laudantur plures Constitutiones, & Capitula Constitutionum. Alex. VIII. Constitut. ed. 1690. Apr. 5. P. 1. extant quedam Decreta Capituli Gen. Et hujus Pontificis Const. ed. 1699. Maji 16. P. 8. agitur de primatu inter Definitores, & Provinciales Titulares.*

INNOCENTIUS PAPA XII.  
*Ad futuram rei memoriam.*

Dat. 20. Jan.  
1696. An. 5.

Nuper pro parte dilectorum filiorum Fratrum Provinciæ Argentinæ Ordinis Minorum Sancti Francisci Conventualium nuncupatorum Congregationi venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositæ exposito, quod alias videlicet an. 1692. a tunc existente Ministro Generali dicti Ordinis

Infrequentia  
Decreta con-  
firmata fuere  
in Capitulo  
Provinciali,  
& proposita  
Congregat.  
Reg.